

TSAB CAI HAIS TXOG KEV PAB NYIAJ TXIAG
Lub Plaub Hlis tim 1, 2017

TSAB CAI/KAB KEV COJ UA

Nws yog tsab cai ntawm Midwest Orthopedic Specialty Hospital, LLC (lub “Koom Txoos”) los mus ua kom ntseeg tau tias txoj kev coj ua yog muab los pab rau lub sij hawm muaj ib tus mob kub ceev los sis lwm hom kev pab kho ib tus mob uas tsim nyog tau kho nyob rau ntawm lub Koom Txoos cov chaw kho mob. Tsab cai no tau ua tawm tshwj xeeb los mus daws qhov tsim nyog pab nyiaj txiag rau cov neeg mob uas xav tau kev pab txog nyiaj txiag thiab tau txais kev pab kho mob los ntawm lub Koom Txoos.

1. Txhua cov kev pab txog nyiaj txiag yuav muaj kev cuam tshuam rau peb qhov kev cog lus rau thiab kev ntseeg siab rau txhua tus tib neeg lub meej mom thiab kev ib txwm ua zoo, peb qhov kev txhawj tshwj xeeb thiab kev sib koom tes nrog cov neeg txom nyem thiab lwm tus uas pab tsis tau nws tus kheej, thiab peb qhov kev cog lus yog mus pab rau kev ncaj ncees thiab kev saib xyuas lwm tus.
2. Tsab cai no siv tau rau txhua qhov kev pab lub sij hawm muaj ib tus mob kub ceev thiab lwm hom kev pab kho ib tus mob uas tsim nyog yuav tau kho los ntawm lub Koom Txoos, nrog rau kev ntiav tus kws kho mob muab cov kev pab thiab tus cwj pwm kev noj qab haus huv. Tsab cai no siv tsis tau rau kev npaj them nyiaj rau cov kev xaiv kho ib tus mob uas tsis yog ib tus txo tau txoj sia los sis lwm hom kev pab kho ib tus mob uas tsis yog ib tus mob kub ceev los sis kev pab kho ib tus mob uas tsim nyog yuav tau kho.
3. Cov Npe ntawm Cov Muab Kev Pab Kho Mob uas Pab Them los ntawm Tsab Cai Hais Txog Kev Pab Nyiaj Txiag muab ib cov npe ntawm txhua tus kws kho mob uas muab kev pab kho mob nyob hauv cov chaw kho mob ntawm lub Koom Txoos uas tau hais cia tias qhov twg yuav pab them los ntawm tsab cai hais txog kev pab nyiaj txiag thiab qhov twg tsis them.

COV NTSIAB LUS TXHAIS

Rau lub hom phiaj ntawm Tsab Cai no, cov ntsiab lus txhais nram qab no siv tau rau:

- “**501(r)**” txhais hais tias yog tshooj 501(r) ntawm Internal Revenue Code thiab cov kev cai raws li tau hais los ntawd.
- “**Qhov Nyiaj Kom Them**” (**Amount Generally Billed**) los sis “**AGB**” txhais hais tias, hais txog kev pab cuam sij hawm muaj ib tus mob kub ceev los yog lwm yam kev kho ib tus mob uas tsim nyog yuav tau kho, yog qhov nyiaj yuav tau them uas kheev muab xa mus rau txhua leej uas muaj kev tuav pov hwm kho mob (insurance) kam them rau qhov ntawd.
- “**Lub Zej Zos**” txhais tau tias yog ib cheeb tsam sab hnuv tuaj yav qab teb ntawm Wisconsin uas muaj xws li tab sis kuj tsis yog tas rau 7 lub nroog no: Milwaukee, Waukesha, Ozaukee, Washington, Racine, Kenosha, thiab Jefferson.
- “**Kev pab kho ib tus mob kub ceev**” txhais hais tias yog kev kho ib tus mob ntawm yus tus kheej uas muaj kev phom sij txaus (nrog rau tus mob uas mob hnyav heev) uas yog tsis

kho yuav ua rau muaj kev phom sij loj heev rau kev ua hauj lwm ntawm lub nrog cev, kev muaj mob txawv txawv hauv lub cev los sis qee qhov mob, los sis yuav ua rau txoj kev noj qab haus huv ntawm tus neeg no muaj teeb meem phom sij loj heev.

- **“Kev pab kho ib tus mob uas tsim nyog yuav tau kho”** txhais hais tias yog kev pab kho ib tus mob uas pom tias yuav tau kho tom qab muab kev txiav txim pom zoo los ntawm ib tus kws kho mob muaj ntawv pov thawj. Yog thaum qhov ib tus neeg mob thov kom pab kho ib tus mob uas them rau los ntawm tsab cai no raug muab txiav txim los ntawm ib tus kws kho mob uas saib xyuas nws tias tsis yog ib tus mob uas yuav tsum tau kho, qhov kev txiav txim ntawd kuj tseem yuav tau raug pom zoo los ntawm tus kws kho mob uas tso cai cia nws pw kho tus mob los yog tus kws kho mob uas ua ntawv xa nws tuaj.
- **“Koom Txoos”** txhais hais tias yog Midwest Orthopedic Specialty Hospital, LLC.
- **“Neeg Mob”** txhais hais tias yog cov neeg uas tau txais kev pab thaum muaj ib tus mob kub ceev los yog ib tus mob uas tsim nyog yuav tau kho nyob rau ntawm lub Koom Txoos thiab tus neeg uas muaj lub luag hauj lwm them tus nqi kho tus mob ntawm tus neeg mob.

Kev Pab Nyiaj Txiag

1. Cov neeg mob uas cov nyiaj khwv tau los qis tshaj los sis raug npaum li 250% ntawm tsoom fwv them kev txom nyeem (“FPL”), yuav tsim nyog tau txais kev pab 100% rau kev kho tus mob pub dawb uas yog qhov tus Neeg Mob yuav tau them tom qab them los ntawm tus muab kev tuav pov hwm (insurer) lawm, yog tias muaj.
2. Qis kawg, cov Neeg Mob uas cov nyiaj khwv tau los siab tshaj 250% ntawm FPL, tab sis tsis ntau tshaj 400% ntawm FPL, yuav tau txais kev txo tus nqi me ntsis los ntawm kev pab saib xyuas xws li tus neeg muab kev tuav pov hwm yuav tsum tau them rau tus Neeg Mob, yog tias muaj. Tus Neeg Mob uas tsim nyog rau kev tau txais kev nqis tus nqi me ntsis los ntawm kev pab saib xyuas yuav tsis raug tsub tus nqi kom them siab tshaj qhov xam cia ntawm AGB. Qhov kev txo tus nqi me ntsis muaj raws li hauv qab no:

Cov Neeg Nyob Hauv Tsev Neeg	2017 Cov Lus Qhia	Tsi Muaj Pab Kas Phais 250% FPL (100% Txo Nqi)	Tsi Muaj Pab Kas Phais 300% FPL (90% Txo Nqi)	Tsi Muaj Pab Kas Phais 350% FPL (80% Txo Nqi)	Tsi Muaj Pab Kas Phais 400% FPL (64% Txo Nqi)
1	\$12,060	\$30,150	\$36,180	\$42,210	\$48,240
2	\$16,240	\$40,600	\$48,720	\$56,840	\$64,960
3	\$20,420	\$51,050	\$61,260	\$71,470	\$81,680
4	\$24,600	\$61,500	\$73,800	\$86,100	\$98,400
5	\$28,780	\$71,950	\$86,340	\$100,730	\$115,120
6	\$32,960	\$82,400	\$98,880	\$115,360	\$131,840
7	\$37,140	\$92,850	\$111,420	\$129,990	\$148,560
8	\$41,320	\$103,300	\$123,960	\$144,620	\$165,280
Rau txhua tus los ntxiv	\$4,180	\$10,450	\$12,540	\$14,630	\$16,720

3. Cov Neeg Mob uas pom tau tias xav tau kev pab nyiaj txiag uas muaj cov nyiaj khwv tau los ntau tshaj 400% ntawm FPL muaj feem tsim nyog yuav tau muab los xyuas nyob hauv qhov kev kuaj sim “Means Test” los mus txo qee qhov ntawm lawv cov nqi uas yuav tau them rau cov kev pab kho tus mob los ntawm lub Koom Txoos raws li ib qho kev soj ntsuam qhov tseeb txog lawv rab peev xwm los mus them. Cov Neeg Mob uas yuav tau them nyiaj rau qhov kev kho mob nyob rau ntawm Midwest Orthopedic Specialty Hospital ntau dua 20% ntawm cov nyiaj uas lawv khwv tau los ntawm tsev neeg yuav tsis hais kom them cov nyiaj uas dhau 20% ntawm lawv cov nyiaj khwv tau los tas nrho ua ntej txiav se tawm (gross income). Qhov kev luv nqi no raws li sawv daws paub yog “Kev Txom Nyem Los Ntawm Kev Kho Mob”. Txhawm rau kom muaj cai tau qhov kev txo nqi no, Midwest Orthopedic Specialty Hospital cov kev pab kho tus mob yuav tsum yog “kho ib tus mob ua tsim nyog yuav tsum tau kho” thiab tus neeg mob yuav tsum koom tes nrog tus txheej txheem kom tiav uas muaj xws li tab sis tsis yog tas rau: ua kom tiav cov ntaub ntawv uas yuav tau ua kom raug tas tib sis thiab ncav sij hawm. Tus Neeg Mob uas tsim nyog tau txais qhov kev kuaj sim “Means Test” txo tus nqi me ntsis yuav tsis raug tsub kom them tus nqi siab tshaj qhov xam cia ntawm AGB.
4. Rau tus neeg mob uas koom rau hauv qeev daim phiaj tuav pov hwm (insurance plans) uas pom zoo los ntawm lub Koom Txoos los mus “tawm ntawm pab pawg koom hauj lwm ua ke,” tej zaum lub Koom Txoos kuj yuav txo tus nqi kom them tsawg dua los sis tsis lees muab cov kev pab nyiaj txiag uas yuav muaj muab rau tus Neeg Mob raws li kev ntsuam xyuas tus Neeg Mob qhov kev tuav pov hwm (insurance) thiab lwm qhov muaj tseeb uas siv tau thiab lwm yam xwm txheej uas nws muaj.
5. Kev tsim nyog tau txais kev pab nyiaj txiag yuav raug muab los txiav txim xyuas nyob rau txhua qib ntawm cov nyiaj khwv tau txhua xyoo thiab tej zaum nrog rau kev piv txwv siv cov qhab nias (scoring) los mus soj ntsuam txog kev tsim nyog tau txais txawm tias cov tuaj thov tau poob ua tsis tiav ib daim ntawv thov kev pab nyiaj txiag (“FAP Daim Ntawv Ua Thov Pab Nyiaj Txiag”).
6. Kev tsim nyog tau txais kev pab txog nyiaj txiag yuav tsum muab txiav txim rau cov nyiaj tseem tshuav them tsis tau tas uas tus neeg mob xav tau kev pab nyiaj yuav tsum tau them.
7. Tus txheej txheem rau tus neeg mob thiab tsev neeg los mus thov kom sib hais dua hais txog qhov kev txiav txim siab ntawm lub Koom Txoos uas cuam tshuam txog kev tsim nyog tau txais kev pab txog nyiaj txiag yog muaj raws li hauv qab no:
 - a. Yog tsis pom zoo muab rau qhov kev pab cuam kho mob zej zog (Community Care), yuav tsum tau ua ib daim ntawv thov kom muab qhov kev txiav txim no los sib hais dua tsis pub dhau 14 hnub tom qab txais tau daim ntawv ceeb toom txog qhov tsis pom zoo muab. Xa tsab ntawv mus rau qhov chaw ua hauj lwm Office of the Vice President of Revenue Cycle, Attn: 100% Charity Care and Financial Assistance Appeals Committee, Midwest Orthopedic Specialty Hospital, 10101 S. 27th Street – 2nd Floor, Franklin, WI 53132 muaj cov lus teev cia tias vim li cas ho yuav tsum tau muab daim ntawv thov kev pab los tshuaj xyuas dua thiab muab lwm cov ntaub ntawv uas muaj ntxiv los mus txhawb rau qhov no.
 - b. Txhua cov kev thov kom sib hais dua yuav muab los txiav txim los ntawm Midwest Orthopedic Specialty Hospital pawg neeg saib xyuas txog qhov 100% kev kho mob pub dawb thiab cov kev pab txog nyiaj txiag, thiab cov kev txiav txim ntawm pawg

neeg ntawd yuav tau muab sau uas ntawv xa mus rau tus Neeg Mob los yog tsev neeg uas tau ua daim ntawv thov kom sib hais dua.

Lwm Hom Kev Pab rau Cov Neeg Mob uas Tsis Muaj Feem Tau Qhov Nyiaj Pab

Cov neeg mob twg uas tsis muaj feem tau qhov nyiaj pab, li tau hais los saum toj saud, tseem muaj feem rau lwm hom kev pab uas muab los ntawm lub Koom Txoos. Kom muaj txhij txhua rau qhov no, tau muab lwm yam kev pab teev muaj npe rau ntawm no, tab txawm hais tias nws tsis yog cov uas yuav tau muaj los pab thiab tsis npaj ua raws li tshooj 501(r) tab sis tau muab koom ua ke ntawm no rau kev yooj yim ntawm qhov kev pab rau zej zog los ntawm Midwest Orthopedic Specialty Hospital, LLC.

1. Tus neeg mob twg tsis muaj kev tuav pov hwm (uninsured) uas tsis muaj feem tau txais kev pab nyiaj txiag yuav tau txais kev pab txo tus nqi raws li ntawm qhov txo tus nqi uas tau muab rau tus them siab tshaj plaws lub Koom Txoos ntawd. Qhov kev them siab tshaj plaws ntawm tus tau them yuav tsum tau sau cia tsis pub tsawg tshaj li 3% ntawm cov neeg hauv lub Koom Txoos raws li tau muab ntsuas los ntawm cov neeg tuaj koom los sis cov nyiaj tau txais tag nrho los ntawm cov neeg mob. Yog tias ib tug neeg them nyiaj tsis them qhov kev teev tseg qib qis ntawm cov neeg tuaj koom, tshaj li ntawm ib leeg muaj daim ntawv cog lus them nyiaj yuav tsum tau suav ua ke xws li cov ntsiab lus uas siv los mus suav ua ke kom tsis pub tsawg tshaj li 3% ntawm cov neeg tuaj koom hauv lub Koom Txoos cov lag luam ntawm lub xyoo ntawd.
2. Cov Neeg Mob uas tsis muaj thiab muaj kev tuav pov hwm uas tsis muaj feem tau txais kev pab nyiaj kuj yuav muaj feem tau txais ib qho them sai uas txo tus nqi. Kev them sai uas txo tus nqi no kuj yog muab los pab ntxiv rau qhov txo nqi tsis muaj kev tuav pov hwm uas tau muab piav rau ntawm kab ntawv dhau los ua ntej saum toj no.

Kev Txwv ntawm Cov Nqi Tsub rau Cov Neeg Mob Uas Muaj Feem Tau Qhov Nyiaj Pab

Cov Neeg Mob uas muaj feem tau qhov Kev Pab Nyiaj Txiag yuav tsis raug tsub tus nqi rau ib tug zuj zus tshaj li ntawm AGB rau ib tus mob kub ceev thiab kev pab kho ib tus mob uas tsim nyog yuav tau kho thiab tsis tshaj cov nqi tag nrho rau txhua cov kev pab cuam kho mob. Lub Koom Txoos xam cov feem pua li ib los sis tshaj ntawm AGB uas yog siv txoj kev ua “ ntsia-tom qab” (look-back) thiab nrog rau qhov them tus nqi- raws li kev kho tus mob (Medicare) thiab txhua cov uas muab kev tuav pov hwm kho mob (private health insurers) uas tau them nyiaj rau lub Koom Txoos, txhua yam mus raws li tshooj 501(r).

Kev Ua Ntawv Thov Kev Pab Nyiaj Txiag thiab Lwm Hom Kev Pab

Ib tus Neeg Mob twg tej zaum kuj yuav muaj feem tau txais kev pab nyiaj mus rau lub sij hawm kwv yees txog cov qhab nias (scoring) los sis ua ntawv thov mus rau qhov kev pab nyiaj los ntawm qhov ua kom tiav thiab xa FAP Ib Daim Ua Ntawv Thov Pab Nyiaj. Yuav tsis pom zoo muab nyiaj pab rau ib tus Neeg Mob yog hais tias tus Neeg Mob ntawd muab lus los yog muab ntaub ntawv dag tso rau ntawm FAP Daim Ntawv Ua Thov Pab Nyiaj los yog cuam tshuam txog tus txheej txheem muab qhab nias. Muaj FAP Cov Ntawv Ua Thov Pab Nyiaj thiab Cov Lus

Qhia Ua FAP Daim Ntawv Ua Thov Pab Nyiaj:

- 1) Online: www.mymosh.com/billing
- 2) Siv Mail: Xa ib daim ntawv thov mus rau Customer Service Supervisor, Wheaton Franciscan Healthcare Corporate Services Office, 801 S. 60th Street, Suite 150, West Allis, WI 53214
- 3) Tus neeg mus kiag: Mus rau ntawm cov rooj teev npe, tus neeg ua hauj lwm sau nyiaj, los sis cov muab tswv yim fab pab nyiaj txiag nyob ntawm Midwest Orthopedic Specialty Hospital
- 4) Siv Xov Tooj: Hu rau kev pab cuam tub lag luam ntawm (888) 281-2392

Yog muaj lus nug los sis xav tau kev pab hais txog daim ntawv thov, thov hu rau chaw pab cuam tub lag luam ntawm (888) 281-2392 los yog ib Tus Pab Tswv Yim Fab Nyiaj Txiag ntawm (414) 325-6311

Kev Them Nqi Thiab Sau Nyiaj

Rau cov hauj lwm uas lub Koom Haum yuav tau nqes tes siv thaum tsis them nyiaj yog muab piav qhia nws muaj nws rau hauv cov nqi lus tag nrho hais txog kev them nyiaj thiab sau nyiaj tsab cai. Ib daim ntawv luam pub dawb ntawm tsab cai hais txog kev them nyiaj thiab sau nyiaj muaj nyob:

- 1) Online: www.mymosh.com/billing
- 2) Siv Mail: Xa ib daim ntawv thov mus rau Customer Service Supervisor, Wheaton Franciscan Healthcare Corporate Services Office, 801 S. 60th Street, Suite 150, West Allis, WI 53214
- 3) Tus neeg mus kiag: Mus rau ntawm cov rooj teev npe, tus neeg ua hauj lwm sau nyiaj, los sis cov muab tswv yim fab pab nyiaj txiag nyob ntawm Midwest Orthopedic Specialty Hospital
- 4) Siv Xov Tooj: Hu rau kev pab cuam tub lag luam ntawm (888) 281-2392

Kev pab txhais lus

Tsab cai no yog npaj siab ua kom raug raws li tshooj 501(r), tshwj qhov uas tau teev cia tshwj xeeb. Tsab cai no, nrog rau txhua txoj hau kev uas siv tau, yuav tsum tau muab txhais thiab siv kom raug raws li tshooj 501(r) tshwj qhov uas tau teev cia tshwj xeeb.

MIDWEST ORTHOPEDIC SPECIALTY HOSPITAL
COV NPE NTAWM COV MUAB KEV PAB KHO MOB UAS THEM LOS NTAWM
TSAB CAI PAB NYIAJ TXIAG
Lub Plaub Hlis tim 1, 2017

Raws li Reg. Sec. 1.504(r)-4(b)(1)(iii)(F) thiab Ntawv Ceeb Toom 2015-46, daim ntawv teev npe no qhia txog cov muab kev kho mob thaum muaj mob kub ceev thiab thaum muab kev kho ib tus mob uas tsim nyog yuav tau kho hauv ib lub tsev kho mob uas them rau los ntawm Tsab Cai Pab Nyiaj Txiag (FAP). Cov kev xaiv kho ib tus mob uas tsis yog ib tus mob txo tau txoj sia thiab lwm txoj kev kho mob uas tsis yog ib tus mob kub ceev los yog tsis yog ib tus mob uas yuav tsum tau kho yuav tsis them los ntawm FAP rau ib tus kws kho mob twg.

Cov muab kev pab kho mob uas pab them los ntawm FAP	Cov muab kev pab kho mob uas tsis them los ntawm FAP
Cov Kev Tso Tshuaj Loog (Anesthesia Services)	
Great Lakes Anesthesia and Pain Specialists, S.C. Midwest Orthopedic Specialty Hospital	
Cov Kev Txheeb Xyuas Kab Mob (Pathology Services)	
Racine County Pathology Associates, S.C. Midwest Orthopedic Specialty Hospital	
Lwm Yam (Other)	
	www.mymosh.com/billing